

JUD - Tolysh Bible

Converted to Unicode HAB April 2009

YƏHUDƏ

Çe Yəhudə Nomə

Yəhudə

Yəhd.

ÇE YƏHUDƏ NOMƏ

VƏSƏ

«Çe Yəhudə Nomə» iştəni imonin nişo kardə bə pesoxtə təlim doə mıəllimon vəynə nıvıştə bıə. In kirtə nomə məzmun bə Peteri diminə nomə məzmuni mıvofiğ omeydə. Mıəllif bı nomədə imoniyon iştə ğəbul kardə imoniro bo mıborizə barde dəvət kardeydə.

Kitobi məzmun:

1:1-2 Səlom vığandey

1:3-16 Duyəvojə mıəllimon məhkum kardə bəben

1:17-25 Çəşnaviyon iyən nəsyəton

1

Səlom vığandey

¹ *İsa Məsihi ğul, Yağubi boə az Yəhudəku səlom bıbu bəşmə. Şımə Pıə Xıdo tərəfo Çəy mehıbbətədə jıyeyro dəvət kardə bıəşon iyən bo İsa Məsihi nığo kardə bıəşon!

² Mərhamət, sulh iyən mehıbbət bəşmə bol-bol doə bıbu!

Duyəvojə mıəllimon məhkum kardə bəben

(2Pet.2:1-22)

³ Çımı azizqıromiyon, az vey dastroçə beydəbım çəmə həmməy xılosi barədə bəşmə bıvıvıştım. Vocib zınəme ki, bəşmə nomə bıvıvıştım. Demiyən bə Xıdo xəlği iminə iyən oxonə kərə əmonət kardə bıə imoni xoto mıborizə bardeyro şıməni səbəro bıkəm.

⁴ Çumçıko bəçəmə arə jıqo odəmon dəşın ki, sıftəku bə cəzo məhkum kardə bıən.

Əvon behəxə odəmonin çəmə Xıdo lutfi bo beəxloğətiro qıləy manə hisob kardeydən, iqləliyə Pərvərdiqor – çəmə Rəbb İsa Məsihi bə həşə jəydən.

⁵ *Şımə imoni həmməy zıneydon, azən bəşmə yod varde piyeydəme ki, keynəsə İştə xəlği Misiro xılos kardə Rəbbi peşo məhv kardışe imonədə nımandəkəson. ⁶ *İştə

*1:1 Mat.13:55; Mark 6:3

*1:5 Beşe.12:51; Aşm.14:28-30

*1:6 Ofə.6:1-4

barzə movqe onıqətə iyən ıstə məskəni tərəq kardə mələkon Xıdo bo oxonə Hikmi Ruji de zinciron dəbastışe, zol oqətışe zılmotədə. ⁷*Sodom, Homorrə iyən qırdokənoədə bıə şəhronən ıstəni bə cinsiyə beəxloğəti iyən geyri-təbii bıə minosibəton təslim kardıšone. Əvonən pešo de zolə otəši sute cəzo kəşəşone, bo həmməy ibrət bin.

⁸Eynən bəşmə dilə dəşə im odəmon bəştə vində hani əsosi beydən ıstə andomi mırdol kardeydən, ıstə səpe bıə hakimiyəton rədd kardeydən, ehtişominə hestemonon təhğir kardeydən. ⁹*Hətto sərmələk Mikailən Musa cəsədi bəki məxsus bey barədə mıbohisə kardeədə ciqə nıkardeşə bə iblisi vəynə de təhğiri hikm bekə, əncəx votışe: «Bıdə Rəbb bəti gədəğən bıkə!» ¹⁰Əmma im odəmon ıstə sənirəsə har çiy təhğir kardeydən. Əvon beşuurə həyvnonon gəzinə əncəx deştə instinkti bə çiçi sərəseydənbo, deəyən ıstəni bə puçi becardən. ¹¹*Vay bəçəvon holi! Çumçiko əvon ıstə boə kıştə de Ğabili roy şin. Ğəzənciro bəştə xəlgi vəynə beşe piyə Bilami gəzinə ıstəni bə səhvə ro duço kardıšone. Bə Musa vəynə usyon kardə Qorahi gəzinə həlok bin. ¹²Jıqo odəmon ləkən bəşmə mehıbbəti surfon. Əvon deşmə ivirədə ziyofət kardeydən, imi de behurmətəti kardeydən əncəx bəştə geyd mandeydən. İmon çe vavazon tojniyə beovə avonin. Məhsuli vaxti mivə nıvardeyro dı kərə mardə, rəğo pevatə bıə doonin. ¹³İstə rısvotəti bənə kay dəkiştə şiddətinə dıyo ləponin. Dəpuşiyə astovonin ki, zolə tokiyə zılmot boəvon hozı kardə bıə.

¹⁴* Adəmi haftminə nəsıl bıə Xanokiən peyğəmbərəti kardəşbe boəvon votəşbe: «İmeha, Rəbb deştə çanədə mığəddəsə mələki oməy ki, ¹⁵mıhokimə bıkə həmməy iyən bə cəmi qınokoron kardə bevəcə koonro, bə Xıdo vəynə votə bıə bevəcə sıxanonro ifšo bıkə əvoni». ¹⁶Əvon hejo pıt-pıt karde-karde ıstə jimoniku qıre kardeydən. Əvon bəştə ehtiroson mıvofiğ hərəkət kardeydən. Çəvon qəvono ğiloşə sıxanon beşeydən. Əvon boştə xəyro nəvə şənbozonin.

Çəşnaviyon iyən nəsyəton

¹⁷Əmma şımə, ha azizqiromiyon, Rəbb İsa Məsihi həvariyon navo votə sıxanon bəştə yod biyən. ¹⁸*Əvon votəşonbe bəşmə: «Oxonzəmonədə bəştə qınokorə ehtiroson mıvofiğ hərəkət kardə rıxandəvoton bə məydon bebəşen». ¹⁹Əvon imoniyon dilədə rıxnə eğandeydən, bəştə instinkton əsir eqıniyə, Ruf nıbə odəmonin. ²⁰Şımə esə boy, çımı azizqiromiyon, ıstə mığəddəsə imoni binəçəsə inkişof bıkən iyən de Mığəddəsə Rufi dıvo bıkən. ²¹Çəmə Rəbb İsa Məsihi bə zolə jimon bardə mərhəməti çəş karde-karde Xıdo mehıbbətədə ıstəni nığo bıdən. ²²Mərhəmət bıkən bə şək vardəkəson, ²³kali kəson otəşo bekırnən xılos bıkən; bə kali kəson isə rəhm bıkən, əmma hodi bıbən, hətto çəvon notəmizə andomədə mırdol bıə olətikuən okırıyən.

²⁴Xıdo gədire şıməni dəqıjyeyku nığo bıkə, Bəştə izzətəni huzur de yolə şoy-şoy

***1:7** Ofə.19:1-24

***1:9** Ğanun.34:6; Dan.10:13,21; 12:1; Zək.3:2; Vəhy 12:7

***1:11** Ofə.4:3-8; Aşm.16:1-35; 22:1-35

***1:14-15** Ofə.5:18,21-24

***1:18** 2Pet.3:3-4

benoxsan bekə. ²⁵ Bəçəmə Xiloskorə, vohidə Xıdo sıftəku jıqoşə, esət iyən zoləti de Rəbb İsa Məsihi vositə izzət, şöhrət, ğudrət iyən səlohiyət bıbu! Amin.